

ORDENANZA FISCAL REGULADORA DA TAXA DA REDE DE SUMIDOIROS E DEPURACIÓN DE AUGAS RESIDUAIS.

Artigo 1º.- Fundamento e natureza.

De conformidade co que se dispón no artigo 58 da Lei 39/1988 de decembro, reguladora das Facendas Locais; en relación co seu artigo 20, apartados 1) e 4) , este Concello establece a “Taxa pola prestación dos servicios da rede de sumidoiros e depuración de augas residuais ”, que se rexerán pola presente ordenanza.

Artigo 2º.- Feito imponible.

1. Constitúe o feito imponible da taxa:

a) A actividade municipal, técnica e administrativa, tendente a verificar se se dan as condicións necesarias para autoriza-la acometida na rede de sumidoiro municipal.

b) A prestación dos servicios de evacuación de excretas, augas pluviales, negras e residuais, a traves da rede de alcantarillado municipal.

c) O tratamento das augas residuais con depuración das mesmas, mediante a instalación e funcionamento de Estacións Depuradoras, Fosas Sépticas ou calquera outra forma de depuración que resulta técnica e legalmente admisible.

Artigo 3º.- Suxeito pasivo.

1. Son suxeitos pasivos contribuíntes as persoas físicas ou xurídicas e as entidades ás que se refire o artigo 33 da Lei xeral tributaria que sexan:

a) Cando se trate da concesión da licencia de acometida á rede, o propietario, usufrutuario ou titular do dominio útil do predio.

b) No caso de prestación dos servicios do número 1.b do artigo anterior, os ocupantes ou usuarios dos predios do termo municipal beneficiarios dos ditos servicios, calquera que sexa o seu título: propietarios, usufructuarios, habitacionistas ou arrendatarios, incluso en precario.

2. En todo caso, terá a consideración de suxeito pasivo substituto do ocupante ou usuario das vivendas ou locais o propietario destes inmobles, quen poderán repercutir, de no seu caso, as cotas satisfeitas sobre os respectivos beneficiarios do servizo.

Artigo 4º.- Responsables.

1. Responderán solidariamente das obrigas tributarias do suxeito pasivo, as persoas físicas e xurídicas ás que se refiren os artigos 38.1 e 39 da Lei xeral tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5º.- Cota tributaria.

5.1.- A cota tributaria a esixir pola prestación do servizo da rede de sumidoiros e depuración de augas residuais determinarase en función da cantidade de auga medida en metros cúbicos, empregada na finca. A tal efecto aplicarase a seguinte tarifa:

Por vivenda ou uso doméstico 0,30
euros/m3 auga.

Usos industriais..... 10,00 € + 0,30
euros/m3 auga.

Para o suposto de que os inmobles dispuxesen de servizo da rede de sumidoiros e depuración e non de servizo de subministración de auga, establécese unha cota fixa de 10,00 €/trimestre.

5.2.- Acometidas á rede municipal de sumidoiros.

Por cada acometida, a satisfacer por unha soa vez, a cota que resulte de multiplicar o nº de vivendas ou locais industriais radicados no inmovle pola cantidade de 50,00 euros.

Artigo 6º.- Exencións e bonificacións.

Non se concederá exención nin bonificación algunha na exacción da presente taxa.

Artigo 7º.- Devengo.

1. Devéngase a taxa e nace a obriga de contribuír cando se inicie a actividade municipal que constitúe o seu feito imponible, entendéndose iniciada a mesma:

- a) Na data de presentación da oportuna solicitude da licencia de acometida, se o suxeito pasivo a formulase expresamente.
- b) Dende que teña lugar a efectiva acometida á rede de sumidoiro municipal. O devengo por esta modalidade da taxa producirase con independencia de que se obtivera ou non a licencia de acometida sen prexuízo da iniciación do expediente administrativo que poida instruírse para a súa autorización.

2. Os servicios de evacuación de excretas, augas pluviais, negras e residuais teñen carácter obrigatorio para tódolos predios do municipio que teñan fachada a rúas, prazas ou vías públicas na que exista rede de sumidoiro, sempre que a distancia entre a rede e o predio non exceda de cen metros, e devengarase a taxa aínda cando os interesados non procedan a efectua-la acometida á rede.

Artigo 8. Declaración, liquidación e ingreso.

1. Os suxeitos pasivos sustitutos do contribuínte formularán as declaracións de alta e baixa no censo de suxeitos pasivos da taxa, no prazo que hai entre a data en que se produza a variación na titularidade do predio e o derradeiro día do mes natural seguinte. Estas últimas declaracións surtirán efecto a partir da primeira liquidación que se practique unha vez rematado o prazo de presentación das ditas declaracións de alta e baixa.

A inclusión inicial no censo farase de oficio unha vez concedida a licencia de acometida na rede.

2. As cotas esixibles pola taxa liquidaránse e recaudaránse polos mesmos períodos e nos mesmos prazos que os recibos da subministración e consumo de auga.

3. No suposto da licencia de acometida, o contribuínte formulará a oportuna solicitude e os servicios tributarios deste Concello, unha vez concedida aquela, practicarán a liquidación que proceda, que será notificada para o ingreso directo na forma e prazos que sinala o Regulamento xeral de recadación.

Disposición Adicional.-

1. No exercicio económico de 2000 a cota tributaria polo feito imponible establecido no art. 2º 1.b) desta ordenanza será igual ó importe anual da taxa dividido por dous.

2. No caso de altas a taxa prorratearase por trimestres naturais, igual criterio se seguirá no importe de baixas no servicio.

Disposición Final.-

A presente ordenanza entrará en vigor unha publicada no Boletín Oficial da Provincia de Lugo, sendo de aplicación a partir do 1º de xuño de 2000, permanecendo vixente ata a súa expresa modificación ou derogación.